

七經同卷

佛說大迦葉本經

佛說四自侵經

佛說羅云忍辱經

佛為年少比丘說正事經

佛說沙曷比丘功德經

佛說時非時經

佛說自愛經

當六

佛說大迦葉本經

西晉三藏竺法護譯

聞如是一時佛遊王舍城靈鷲山爾時城中
有勢富梵志名曰尼拘類此曰無悲財富無數金
銀七寶田宅牛馬不可稱計梵志有子名曰
畢撥學志捨六十佉梨金寶好物及千具犁
牛捐仁賢妻天下第一光顏微妙面色為最
心自念言當趣世間阿羅漢學淨修梵行詣
多子神祠叢樹之下噉食其果於是世尊轉
大法輪轉法輪竟與比丘眾退至多子神祠

止其精舍於時畢撥學志夜欲向明住立遙
見世尊在叢樹間光明遠照威曜普達心即
念言今此叢樹天已向明威神普照光明無
量殊妙巍巍於此樹間必有鹿王大雄師子
若有天神及大神通神足大變必爾不疑我
當往觀時畢撥學志即從座起往詣叢樹遙
見世尊光明百千足底相文衆好具足即時
歎曰吾等先古神仙所遺經典說有瑞應三
十二大人之相分別具足當趣二處設在家
者爲轉輪聖王主四天下選擇要教治以正

法刀杖兵甲制而不施假使出家棄國捐王
當爲如來至真等正覺明行成爲善逝世間
解無上士道法御天人師號佛世尊寧可親
覲畢撥學志往詣佛所覩世尊在於樹間端
嚴而坐猶大形像七寶合成威神巍巍諸根
寂定道心靜然逮最憺怕忽然清淨度于彼
岸猶若金山若須彌王猶如夜坐於幽冥然
大炬火譬龍在深淵其水清涼相三十二莊
嚴其身如大山王頂有大火然如日出山岡
光曜普照如月盛滿衆星獨明如轉輪王眷

屬圍繞八十種好徧布其體猶如千華各各
開擺億百千光從聖體出畢撥學志見佛如
是心懷欣然如冥見光尋趣世尊揖讓談語
自達姓名却坐一面佛爲說經解若干義分
別其慧論佛世尊有誨悅辭布施持戒愛欲
之病洩塵勞心出家爲上憤擾諸品應病授
藥尊見其心應時柔心狐疑蓋心悅之心罪
福之心若平等心應心與合而爲說法如諸
佛法察其根源而分別說苦集盡道即於座
上遠塵離垢諸法眼生現在獲度觀法根源

分別經典拔於狐疑得立果證受教誨慧致
勇猛法即從座起更整衣服右膝著地稽首
佛足我初來時觀尊足心自說名字觀佛相
好心懷踊躍而失禮敬爾時世尊告大迦葉
是故賢者從今已往若族姓子有所至到心
念猶月如月光照種性光明威曜如是族姓
子開目而行如是迦葉從今日始若族姓子
制心修行如月盛滿遊行空時是故迦葉從
今日始族姓子所遊至處制心修行猶如日
光照於天下其族姓子未曾閉目制心修行

當六

三

猶如日光亦當如是佛告迦葉從今日始制
心修行猶如蜜蜂所至到處多所發起猶如
蜜蜂採諸華味不萎色香若族姓子制心修
行從今日始造行如是佛告迦葉從今已往
制心修行當如地水火風得淨不喜得諸不
淨屎尿膿血死蛇死人惡露不以愁憂若得
華香金銀七寶五種彩色不以喜悅無增無
減族姓子制心修行亦當如是嗟歎稱譽安
樂歡豫不以爲悅若遇誹謗衆苦惱患不以
愁憂佛告迦葉從今日始族姓子制心修行

當如拂淨物亦拂不淨亦拂屎尿涕唾膿血
死狗死蛇死人惡露不以淨悅不淨不憂若
族姓子制心修行亦當如是佛告迦葉從今
以往制心修行當如掃帚淨亦拂不淨亦拂
佛告迦葉從今已往族姓子制心修行當如
殂祝子常低頭行在所至到常內其手若裸
形人羞身不蔽在於世間趣欲活命不說本
姓若可不可不以自宣若族姓子制心修行
亦當如是佛告迦葉從今以往族姓子制心
修行如截角牛如牛截角賢善柔順不貪四

事詣於四衢於四衢道無有門戶而危其命
若族姓子制心修行亦當如是佛告迦葉從
今以往制心修行當如鐵釜又如諸燈如釜
燈穿多有孔漏滿中油脂如明眼人從一邊
觀釜燈諸孔脂油漏出各各墮地若族姓子
察身非常四大合成九孔穿漏皆出不淨不
貪樂身不以爲奇於是大迦葉從佛世尊聞
月喻行即受諷誦觀八脫門佛告迦葉詣光
曜樹迦葉應曰唯然世尊即從座起在佛後
住時與大迦葉出其叢樹詣異叢樹尋復出

當六

去坐異樹下告大迦葉於此樹下爲如來敷
座吾身疲弊其背甚痛迦葉受教促疾促疾
爲佛敷座令其方正敷座已竟前白大聖敷
座已訖唯願就坐佛尋坐竟告迦葉曰是地
柔軟細滑妙好迦葉曰唯然世尊彼地此地
今者人身會歸此地唯然世尊歸於盡滅持
心忍辱當如是地今我法衣亦柔軟好願佛
常愍加哀受之佛告迦葉假使我受柔軟縫
衣汝服何等迦葉白佛往古諸世尊讚譽若
族姓子著塚間死人弊衣及五納衣爲安諸

天及世間人佛言善哉善哉迦葉多所哀愍
多所安隱著弊納衣往古諸佛所稱歎者迦
葉汝起促取水來吾甚饑渴意欲飲水雖然
世尊即受教起稽首足下繞佛三匝促疾促
疾欲行取水諸比丘見尋時問之仁爲耆年
不以貢高亦不憂感寂除_五欲入無所處何
因爲沙門欲受具戒今爲所至迦葉報曰汝
等詣佛以持此事白問大聖悉當爲汝分別
說之於時賢者大迦葉即取水來往奉上佛
佛尋受之飲水竟便殘水持與迦葉迦葉即

受以著一面長跪叉手右膝著地更整衣服
白世尊曰我行取水見諸弟子及諸比丘問
我曰仁爲耆年不以貢高不以憂感亦不癡
妄寂諸四事衆欲之_五我自捨六十佉梨金
妙珍寶犁牛千具棄妻玉女天下第一其有
世間能成羅漢吾當從受今者弟子諸比丘
衆悉來問吾我時前在多子神祠右叢樹下
噉其果_五於是世尊未受具戒爾時世尊遊
於王舍城我時在竹樹間迦蘭園明旦著衣
持鉢入城分衛見日大殿有千光出時佛世

尊在王舍城迦蘭竹樹間時見世尊吾自憶
念謂日更出若大天神夜忽如晝時佛晡時
從宴坐起如月宮殿振大光明則以覆蔽諸
日月光譬如大炬照於闇冥佛在弟子衆中
威神光明亦復如是爲諸比丘講說經法如
轉輪王與諸子眷屬俱與無央數衆比丘俱
吾爾時觀死不覩見諸比丘衆無能受者無
能爲師唯獨如來特出世間興隆道化而取
滅度今諸比丘故來問我爾時世尊告迦葉
曰多有比丘不了善惡覺與不覺不解福曰

諸法之處多有誼理是說第一迦葉最尊不
以貢高平等無憂寂諸四事諸欲之歟第一
成就受具足戒佛說如是賢者迦葉及諸比
丘莫不歡喜

佛說大迦葉本經

當六

六

佛說四自侵經

西晉三藏竺法護譯

佛言夙夜不學老不止婬得財不施不受佛
言是四出心還自侵身往古豪富傲尊自恣
國王帝主世俗愚人但知晝夜過疾不覺命